

# पञ्च रक्षा कथासार

(परिचय सहित)



प्रकाशकः

अखिल नेपाल महायान बौद्ध समाज

न्याठा, छुस्याबहाल



# पञ्च रक्षा कथासार

(परिचय सहित)

सम्पादकः

पं. दिव्यवज्र वज्राचार्य

प्रकाशकः

अखिल नेपाल महायान बौद्ध समाज

ज्याठा, छुस्याबहाल

दाता:	मोतिकाजी चीनी शोभा परिवार
केहे मय्जु	चन्द्र शोभा तुलाधर
काय्/भौपिं	चीनीकाजी/समा, माणिककाजी/सुशिला, विद्यामान/सुमन, बिरेन्द्र काजी/सुचित्रा
मृत्याय्	अमृतशोभा
मिजं छय्	सुनिक, सचिन, सुशिम, सरिन, संवृद्ध
मिसा छय्	सुष्टि, श्वेता
छय्/जिलाजं	स्मृति/अनुप
छुई	आयुष्मान
प्रथम संस्करण	२०३७ साल
तृतीय संस्करण	२०६३ साल (३०० प्रति)
मूल्य	४०/-
थाकु	संकटा प्रिन्टिङ्ग प्रेस टे बहा:

सूचं: थ्व बिक्री जुया लाभ जुगु धिवा मेगु सफू पिकायत प्रबान यागु दु ।

नमः श्री दुर्गति परिशोधनराजाय तथागताय अर्हतो सम्यक संबुद्धाय



स्व. चीनीशोभा तुलाधर

जन्म: ने.सं. ११०७

मृत्यु: वि.सं. २०४३ माघ

स्व मोतिकाजी तुलाधर

जन्म: वि.सं. १९०१

मृत्यु: वि.सं. २०६२ आश्विन

पूज्य मां बाया लुमन्ति

मोतिकाजी/चीनीशोभा

परिवार

## स्व. मोति काजि तुलाधरया गुणानुस्मरण

सम्बत १९८१ सालय् हर्ष चैत्य महाविहार (हाकुवहालय) न्हायकं त्वालय् बौ राजमानसिं व मां चिकीमाया तुलाधरया कोखं दिवंगत जिमी ब्वा मोतिकाजी तुलाधरयागु जन्म जुगु खः । वयकया इहिपा दिवंगत चिनीशोभा तुलाधरलिसे सम्पन्न जुगु जुल । इहिपा लिपा वयकपिनि कोखं काय् प्यम्ह चिनीकाजी, माणिककाजी, विद्यामान, बीरेन्द्रकाजी व म्ह्याय् छम्ह अमृत शोभा जन्म जुगु जुल ।

जिमि बा स्वर्गीय मोतिकाजी तुलाधर छम्ह लोकं ह्वाम्ह धर्मचित्त दुम्ह बौद्ध उपासक खः । असं त्वालय् ज्वीगु अन्नपूर्ण जात्रा, अन्नपूर्ण ज्ञानमाला भजन आदि विभिन्न सामाजिक तथा धार्मिक कार्यक्रमय् वयकलं सदां सक्रिय जुया टिव विया वया च्वंगु सर्वविदित हे दु । वयकपिनिगु परिवारं (दाजु किजाया पुण्य भावं) आर्यावेलोकितेश्वर करुणामय जनवहाद्ययागु रथय् नं लूं गजू द्बहलपा तच्चतं भाव भक्ति याना वंगु जुल । अथे हे हर्ष चैत्य महाविहारयागु सेवा भाव नं याना वया च्वंगु जुल । हर्ष चैत्य महाविहारय् हेनाकर महाविहारया गुरुजुपिसं नित्य पूजा याना वया च्वंगु गुगु प्रचलन ख व अद्यापि चलय् जुया च्वंगु दु ।

छम्ह समाज सेवीकथं रेडक्रस संस्थाय् व परोपकार संस्थाय् नं वयक आजीवन सदस्य जुया दिगु जुल । थथे समाज सेवा वा धर्मचित्त दुपिं जिमि बा मोतिकाजी तुलाधर थें जापिं उपासक तयेगु सक्रियतां हे झीगु देशय् बौद्ध धर्म तथा संस्कृति एवं रितिथिति ल्यना च्वंगु खः । तर ध्व अनित्यगु संसारय जन्म जुलकि मृत्यु नं जुई माःगु शास्वत नियम अनुसार २०६२ साल आश्विन महिनाय् वयकयागु स्वर्गारोहण जुगु जुल ।

मां बौ नं विया थकुगु अमूल्यगु संस्कार स्वरूप जिमी मां बौ यागु लुमन्ति ध्व वचाधंगु पंचरक्षा कथासार पिदनेगु इच्छा याना गु खः । थुगु पुण्यं दिवंगत जुयादिम्ह जिमी बा मोतिकाजी तुलाधर व मां चिनीशोभा तुलाधरया सदा नं सुखावती भूवन वास लाय्माः ।

भवतु सर्वमङ्गलं

म्ह्याय् अमृत शोभा तुलाधर



## प्रकाशकीय

झी बौद्ध मार्गी चाहे स्थविरवादी जुई व्यु वा महायानी बज्जयानी जुई व्यु: झीगु दथुई पंचरक्षा सूत्र (परित्राण) तसकं लोकप्रिय जक मखु साप हे श्रद्धा भावं पूजा याना पाठयाका वया च्वंगु सफू खः । स्वर्गीय पण्डित दिव्यबज्जज्यू २०३७ साल पाखे दि. पूर्णानन्द बज्जाचार्ययागु अनुरोधय थ्व पंचरक्षा सूत्रयागु सारांश च्वया प्रकाश याना विज्याये धुंगु खः । थौकने थ्व सफू उपलब्ध मजुगुलीं श्री अमृत शोभा तुलाधर साहुनीनं थ्व दुर्लभ जुई धुंकुगु पंचरक्षा सूत्र कथासार दिवंगत थः बौ मां मोतिकाजी तुलाधर व चिनी शोभा तुलाधर पिनीगु सुखावती कामना यासे हाकनं छक द्वितीय संस्करण प्रकाश यायेगु भिंगु कल्याणगु विचार याना दिल । थ्व सफू प्रकाशन यायेत माक्व आर्थिक टिव बिया अखिल नेपाल महायान बौद्ध समाज यात प्रकाशन यायेगु अभिभारा नं लःल्हाना दिल । थथे धर्मचित्तं सद्धर्म दाना यानागु पुण्यं मां बौ जक सुखावती भुवन बास लाइगु मखु सकल जहान, परिवार तथा स्वदेशवासीतयत तक्कं आयु, आरोग्य लाभ जुया श्री वृद्धि नं जुया वईगु खः ।

विश्वय् जक मखु झीगु देशय् नं व्याप्त जुया च्वंगु हत्या, हिंसा, अशान्तियागु वातावरणं मंदयेमा, शान्ति, स्वस्ति जुइमा धका मनं तुना बज्जाचार्य अध्ययनं पूच्चया नाय यज्ञमानपति बज्जाचार्य व म्येपिं कजी पिनीगु ग्वसालय् थ्व पंचरक्षा सूत्र धारणी देव नागरिकं छापेयाना थाय् थासय् महिला बौद्ध अर्थात गुरुमांजुपिन्त पाठयाक्येगु कार्यक्रम हनां वयाच्च्वंगु खं ला सकसितं विदित हे दु । थथे गुरुमांजुपिन्त

पंचरक्षा सूत्र पाठयाकेगु कार्यक्रम दकले न्हापां २०६२ साल कार्तिक पुन्हीस जमःबहाः कान्तिपठय् सम्पन्न जुगु खः । अनं लिपा अमृतानन्द शाक्यया निवासस्थान टेकु, स्वयंभुई स्वयं भू विकास मण्डलया आयोजनाय्, अले मैत्रीपुर महाविहार ठंहिटी मैत्री परिवारया ग्वसालय तथा मखं बहाया चक्रेश्वर श्री सत्त्वतारा बज्राचार्यया निवासय अनंलि हेरानानी स्थापित व रत्नमान स्थापित नक्षे गल्ली न क्रमशः गुरुमाँजुपिन्त पंचरक्षा पाठ याकेगु कार्यक्रम सुसम्पन्न जुई धुंकुगु दु । थथे हे थ्व पंचरक्षा सूत्रयागु महायान परित्राण ३० वडाय् गुणाकर महाविहार छुस्यावहाल ज्याठाय् नं आगामी दिनस जुइ त्यंगुलीं श्री अमृतशोभा साहुनीया पंचरक्षा सूत्रयागु अर्थ मथुपिन्त तथा तःधागु सफू पाठयाये मलापिन्त थ्व पंचरक्षा सारांस व थुकि च्वंगु मन्त्र तथा रत्नसूत्र जक पाठ यासानं सकस्यां हृदय्, सद्धर्मयागु छपू जक जुसां पूसा पीया विई फै धूगु मनसुवा तया दिइगु खः । थ्व पुण्य कर्म वयक साहुनी तथा परिवारजनपिं सदां निरोगी जुईमा तथा वयकया बौ मा पिनि सुगति लाभ जुइमा धैगु कामना यासे थ्व सफू छापये याना ग्वाहाली याना दिगु प्रेसया संस्थापकयात नं सुभाय् देछाना गु जुल । अले थ्व सफूया द्वितीय संस्करण पिथनेत स्वीकृति बिया बिज्यापी दि. पूर्णानन्द बज्राचार्यया काय्पिन्त यक्व साधुवाद वियागु जुल ।

अस्तु !

प्रकाशक  
अखिल नेपाल महायान  
बौद्ध समाज



# भूमिका

## पञ्चरक्षाया परिचय

साहस्रप्रमर्दिनी, महामायूरी, प्रतिसरा, शीतवती, मन्त्रानुसारिणी, थ्व न्यागु सूत्रयात पञ्चरक्षा धाइ/हाल नेपाले गुलि महायानया लिखित सफु दु/उलि सफु मध्ये दकले पञ्चरक्षा सफु हे आपा दु धासां पाप लाई मखु । थ्व खं पञ्चरक्षाया उपरे श्रद्धा व जन प्रियताया प्रमाण खः ।

परित्राण शब्द व रक्षा शब्दया छगुहे अर्थ जुगुलिं पञ्चरक्षाया खं थुइकेत स्थविर बादया परित्त सूत्र (परित्राण) या खं थुइकेगु अति आवश्यक जु ।

श्री भिक्षु प्रज्ञानन्द व धर्मालोक महास्थविरं संपादन याना विज्यागु श्री बुद्ध घोष भन्ते नं तपं तयाविज्यागु शब्दार्थया लिधंसानं कया भति बाँलाक श्री सुदर्शन भन्तेनं चवया विज्यागु वि.सं. २०३३ साले प्रकाशित

-ख-

जुगु परित्त सुते (परित्राणसूत्रे) जिन पञ्जर गाथाया  
भिगुगु भिंछुगुगु गाथाय्थथे च्वया तल:-

रतनं पुरतो आसि, दक्खिणे मेत्त सुत्तक  
धजग्ग पच्छतो आसि वामे अङ्गुलिमालकं  
खन्धमोर परित्तञ्च आयनाटिय सुत्तकं  
आकासच्छदनं आसि सेसा पाकार सज्जिता ॥

थुगु श्लोक कथं विचा याना स्वये बले रत्न, मैत्री,  
ध्वजाग्र अङ्गुलिमाल, स्कन्ध मयूर, आयनाटिय थ्व न्हय्गु  
सूत्र हे प्राचीन तथा मूगु परित्त सूत्र थें च्व । अर्थकथाचार्य  
बुद्धघोषनं आदर याना नां उल्लेख याना तःम्ह नागसेन  
नं थ्व हे न्हय्गु सूत्रयात अनुमोदन यागु खं बम्बाइ  
युनीभर्सिटी प्रकाशन जुगु पाली मिलिन्द पञ्हो सफुया  
१५३ पृष्ठे स्वेवले स्पष्ट जु । खला धर्मोदय सभां प्रकाशित  
हिन्दी मिलिन्द प्रश्न या १८६ पृष्ठे मैत्री सूत्रयात तोफिका  
खुगु सूत्रयात जक उल्लेख याना तगु खने दु ।

हान जिनपञ्जर गाथाया रचना काल तक्कया दुने मे  
मेगुनं परित्त सुत्ते दु थ्याका मतगु मखु धैगु खं सेसा  
पाकार सञ्जिता धैगु वाक्यं स्पष्ट जु । जिनपञ्जर  
गाथाया ईतक्क या दुने समाजया मन गुखे न्ह्याना वन  
धैगु खं सिकेगु नं न्ह्याइपुसे च्वं । थ्व खं जिं लिपा मेगु  
निबन्धे च्वये ।

## साहस्रप्रमर्दिनी सूत्र

न्हय्गु सूत्र मध्ये पालि सुत्त निपाते च्वयातगु रतन सूत्र  
दकले जनप्रिय खने दु । थ्व सूत्रयात महायानया पर्वरूप  
धाये बहगु महावस्तु अबदार्ने मिथिल इन्ष्टिच्यूट दरभङ्गा  
प्रकाशन जुगु) २३६ पृष्ठे पालि मिश्रित संस्कृत  
भाषाय् च्वया तगु दु । खला उकी गनं गनं पाठान्तर  
मदुगु मखु । अथे हे बज्जयानया पूर्वरूप धाय बहगु  
पञ्चरक्षाय् (महायानी परित्राण) साहस्रप्रमर्दिनी सूत्र धका  
रतन सुत्तया संस्कृत रूप वियातगु दु । व सूत्र जिं थन क्वे  
उद्धरण याना तयागु दु । पाठक वर्गपिसं पालि रतनसुत्त  
नाप तुलना याना स्वय् बह जु ।

-घ-

त्रिसाहस्रमहासाहस्र लोक धातुइ च्वंपिं सकल लोक-  
यात नं दमनयाना विज्याइम्ह वसपोल बुद्धं आज्ञा जुया  
विज्यागु धर्म हे साहस्रप्रमर्दिनी खः धैगु पञ्चरक्षाया  
धापु खः । थ्व सूत्रे चतुर्महाराजपिनीगु खं आटानाटिय  
सुत्तया खं नाप छुं समानता खने दु ।

## महामायूरी सूत्र

अनंलि मोर सुत्त (मायूरी सूत्र) जनप्रिय खने दु ।  
थ्व खं इतिहासकथं शक जुजुपिनिगु पाले च्वया तगु वैद्य  
सफु अष्टाङ्ग हृदये व अष्टाङ्गसंग्रहल्यु नं मायूरी विद्यायागु  
नां उल्लेख याना तगुलिं स्पष्ट जु ।

A.D. 317-323 वर्षया दुने पञ्चरक्षा सूत्र चीन भाषां  
अनुवाद जुगु दु धका काश्यप संहिताया भूमिकाये  
च्वया तल । व पञ्चरक्षा सूत्रेनं महामायूरी सूत्रया  
अन्त्ये “यक्षमुखोद्धृत” शब्द प्रयोग याना तगु दु ।  
उकिं छुं कालतक्क थ्व महामायूरी सूत्र लोप जुया च्वन ।  
यक्ष छम्हसिनं थ्व सूत्र वय्का तःगु जुल । वहे

यक्षया अनुग्रहं थ्व महामायूरी सूत्र हानं लोके प्रचार जुल  
धैगु अर्थ व्यक्त यायत् महामायूरी सूत्रया अन्तये  
यक्षमुखोद्धृत शब्द च्वय्गु चलन जुया वल ।

महामायूरी सूत्रया दुने आपलं मन्त्र पद दु । उलि  
मध्ये छगू निगू मन्त्र पदया अन्तये “ड्रविडा मन्त्रपदा”  
धका उल्लेख याना तःगु खने दु । व मन्त्रपद साहेद  
पुलाँगु ड्राविड भाषां च्वया तगु जुइ फु । थ्व अध्ययन  
याये बह जु । उलि जक मखु थ्व सुत्रे आपालं पर्वत  
तथा नदी, देश, नाग, यक्ष भूत प्रेत तयेगु नां उल्लेख  
याना तगु दु । प्राचीन भूगोल अध्ययन याइपिं तथा  
यक्ष आदि प्राणीपिनीगु अध्ययन याइपिंत उपयोगी  
जुइ फू ।

थ्व महामायूरी सूत्रे मोर सुत्त व खन्ध सुत्त निगुलिं  
समावेश याना तगु खने दु थ्व खं पञ्चरक्षाया महा-  
मायूरी सूत्रया सारांश स्वया दिल विज्यात धासा पाठक  
वर्ग तयेत स्पष्ट हे जुई ।

दरभंगा प्रकाशन जुगु मूल सर्वास्तिबाद विनय वस्तुया  
१७० पृष्ठया खं नाप खन्ध बत्त जातक या खं मिले

-च-

जु । अनहे महामायूरी विद्यानं उल्लेख याना तगु दु । खन्ध  
जातके सर्प न्याम्ह भिक्षु या नां विया तगु मदु ।  
तर पञ्चरक्षाय् व सर्वास्तिबाद विनय वस्तुई भिक्षु या  
नां स्वाति धका कना तल । अले थ्वहे स्वाति भिक्षुयात  
सर्प न्यात । वयात बचे याय्त मयूरयोनि जन्म कावले  
बोधिसत्त्वं ब्वना विज्यागु विद्या हे महामायूरी विद्या  
धका धया तल ।

श्री आचार्य भिक्षु अमृतानन्दजुं संपादन यानाविज्यागु  
जातकसंग्रह तृतीय भाग ४७ पृष्ठे खन्ध वत्त जातकयात  
अ.नि. ४ पृ ७६ पत्त कम्म वग्गो ले अहिराज सुत्त  
धका उल्लेख याना तगु दु धका च्वया तल । थ्व खं  
स्वयंवले विभिन्न संगीतिकारतसें व हे छगु खं विभिन्न  
कथं विभिन्न नामं बुद्ध वचन संग्रह याना तगु खने दु ।  
अथे हे महामायूरी सूत्रेन मयूर सुत्त व खन्धसुत्त छधि  
छपाँय् याना संग्रह यानातगु खने दु ।

खन्ध सुत्तया संस्कृत रुप महामायूरी सूत्रे च्वया तः कथं  
क्वे उल्लेख याना तयागु दु । पाठकपिसं पालि खन्ध व  
मोरसुत्त परित्राण नाप तुलना याना स्वया विज्याइ दिइ



धका आशा याना । खला पञ्चरक्षाय् खन्ध सुत्तया विचे  
विचे मे मेगु गाथानं यक्व तना तगु दु । व जिं क्वे  
उद्धरण मयाना ।

## पञ्चरक्षाया विशेषता

प्रतिसरा सूत्र, मन्त्रानुसारिणि सूत्र, शीतवती सूत्र, थ्व  
स्वगु पञ्चरक्षाया विशेषता खः । थ्व स्वगु सूत्रे च्वया  
तगु बाखं स्थविरबादया ग्रन्थत नाप समानता मदु ।  
खला संयुक्त निकायया १० परिच्छेदे सुदत्त सुत्ते शीतवन  
धयागु श्मशानया वर्णन दु । व हे शीत वन भगवान्  
विज्याना च्वं वले दकले न्हापां अनाथपिण्डं बुद्धयागु  
दर्शनया वर्णन तथा अमनुष्य यक्षतय्गु खं तथा ग्याना-  
पुगु खं दु । थ्व खं नाप शीत वन श्मशानया समानता दु ।  
ब हे शीत वन श्मशाने राहुलयात कना विज्यागु सूत्र  
हे शीतवती सूत्र खः ।

प्रतिसरा सूत्रे विद्याधर रक्षा विधान कल्प धैगु छगु  
प्रकरण दु । थ्व कल्पे रोगी तयेत शान्ति स्वस्ति यायेगु

-ज-

आदि विधि दु । विद्याधर धयापिं छगु प्रकार या देवयोनि  
धका उल्लेख याना तल । अनपिंके आपलं ऋद्धि दु धका  
महायान ग्रन्थे जक मखु स्थविरवादि तय्गु सफुलिनं वर्णन  
दु । थ्व खं मिलिन्द पञ्चो १५५ पृष्ठे स्वय् वले स्पष्ट  
जु । अन थथे च्वया तल:-

छम्ह दानवं कलाः यात रक्षा यायेत ऋद्धिया बलं  
थःकलाःयात छग बट्टाय् तया घुत्का प्वाथे तया तैगु  
जुल । अथे कलाःयात सुरक्षा याना तसां छम्ह  
विद्याधरं ऋद्धिया वलं दानवया म्हुतुं दुहाँ वना वया  
कलाः नाप रसरंग याना च्वंगु जुल । उगु हे बखते  
दानवया शंका जुया बट्टा ल्हवया खना स्ववले विद्याधरयात  
खन । तर व विद्याधर परित्राणया बलं दानवया भयं मुक्त  
जुल धका च्वया तल । थ्व खं स्वये बले विद्याधर  
रक्षाविधान कल्पया परंपरा नं प्रतिसरा सूत्रे थे हे जुया  
वगु जुइ थे च्वं ।

### मन्त्रानुसारिणी सूत्र

थ्व मन्त्रानुसारिणीया खं रत्न सूत्रयागु खं नाप यक्को  
समानता दु । थ्व निगू सूत्र वैशाली जुगु उपद्रव शान्त

यायेत हे भगवान बुद्धं कना विज्यागु खः । थ्व खं  
साहस्रप्रमर्दिनी सूत्रया कथासार व मन्त्रानुसारिणीया  
कथासार स्वये बले स्पष्ट जुइ । मूल सफुलि च्वया  
मतसां थ्व निगु सूत्रनं निकाययाभेदं भिन्न जुवगु जुइ ।  
थ्व खं मन्त्रानुसारिणी शब्दया अर्थकथं विचाःयाना स्वये  
बले पिहाँ व अर्थात् मन्त्रयान संप्रदायया अनुसार च्वया  
तगु सूत्र धागु जुइ । उदाहरणया लागि थन क्वे छपु निपु  
मन्त्रानु-सारिणीया गाथा प्रस्तुत याये-

एते मन्त्रपदाः सिद्धाः सिद्धागाथा जिनोदिताः

सर्वेषां देवतानां हि भूतानां च हितैषिणा

ज्ञानेनायोत्तमेनाद्य तथा धर्मतयापिच

जगतामीतयः सर्वाः शाम्यन्त्वारोग्यमस्तु वः

विसक्तिः कायिको तृष्णा विध्वस्ता विश्लीकृता

शान्तचित्तो ह्ययं नाथो स वः स्वस्ति करिष्यति ॥

थुगु कथं नीपू गाथा च्वया तःगु दु । सफु तःधा  
जुइगु भयं फुक्क प्रकाश मयाना ।

थौ कन्हे त्वाः त्वाः पतिकं भन्ते पिसं परित्राण  
पाठ याना विज्याना लोकयागु हित सुख कामना याना  
विज्याना च्वगु खं सकसितं विदित हे दु । अथे हे गुरुजुपिसं

पाठ याइगु पञ्चरक्षानं परित्राण हे खः धैगु भापल धासा  
लोकया हित हे जुइ धैगु जिगु श्रद्धा दु ।

थ्व पञ्चरक्षाया कथासार च्वकेत कुत याना  
विज्याम्ह राजगुरु (लायेगुभाजु) श्री पूर्णानन्द गुरु जु  
खः । अनया धापु कथं अनया तपाये बाज्या भाजु  
नन्दयापालं निसें अनपिं राजगुरुयागु स्थान प्राप्त याना  
वःगु खने दु । वहे कारणं वसपोलपिं कुमारी जात्रा जुइ  
वले पञ्च बुद्ध या रूपे दे चाः ह्यू वने मागु खः । पूजा  
कर्म काण्डे थौ कन्हे श्री पूर्णानन्द प्रसिद्धम्ह गुरु जु खः ।  
पञ्चरक्षाया रजोमण्डल च्वय्गु तथा पञ्चरक्षाय्  
च्वया तः गु भूत प्रेत शान्त यायेगु धूप (धूं) गुटिका जन्त्र  
आदि दयेकेगु नं वसपोलपिनी परंपरा दुगु जुल । थ्व सफु  
प्रकाशन याना विज्यायेगु भारा कया विज्यागुया निति  
अनयात जिगु दुनुगलंनिसे यक्व यक्व धन्यवाद विया ।

थ्व सफु साफियाना ब्युपिं श्री दयानन्द तथा श्रीमती  
सुमति बज्राचार्य यात नं जिगु धन्यवाद दु ।

दिब्य बज्र

२०३७ भाद्र १९ गते वृहस्पतिवार

## पञ्चरक्षायै उल्लिखित रत्न सूत्र स्कन्धसूत्र

इमस्मिलोके पुरिमस्मि वा पुनः । स्वर्गेषु वा रत्न वराणि मन्ति  
समोऽस्ति नैवेह तथा गतेन । देवातिदेवेन नरोत्तमेन ।  
तस्मादिदं रत्नवरं प्रणीतम् । एतेन सत्येन इहास्तु स्वस्ति ।  
क्षया विरार्ग ह्यमृतं त्वसंस्कृतम् । यदध्यगात् शाक्य मुनिः समाहितः  
नतेन धर्मेण समोऽस्ति किञ्चिद् अमृतेन शान्तेन असंस्कृतेन  
तस्मादिदं रत्न वरं प्रणीतम्ह एतेन सत्येन इहास्तु स्वस्ति ।  
यच्छ्रेष्ठ इष्टविधिवत्प्रकाशितं शास्ता सदानुत्तरयोगवाहक  
समाधिना तेन समो न विद्यते, बज्रोपनेनाद्वयमार्गदशकः  
तस्मादिदं रत्न वरं प्रणीतम्ह एतेन सत्येन इहास्तु स्वस्ति ॥  
अष्टौ महापुद्गल ये प्रशस्ताः, ख्यातानि चत्वारि युगानि चैव ।  
ते दक्षिणीया सुगतेन गीताः, महर्षिणा ह्युप्रति पुद्गलेन ।  
एभ्यः प्रदानं भवते महाफलं, बीजानि न्यस्तानि यथा सुक्षेत्रे ।  
इदं प्रणीतं वरसंघरत्नम्, एतेन सत्येन इहास्तु स्वस्ति  
येषु प्रसन्ना मनसा दृढेन । उपसक्रमी गौतमशासनहि ।  
ते प्राप्तिप्राप्ता अमृतं विगाह्य । तमोनुदं निबृति माप्नुवन्ति ।

इदं प्रणीतं वरसंघरत्नम् एतेन सत्येन इहास्तु स्वस्ति  
सह प्रयोगादिह दर्शनस्य, त्रयः प्रहीणा युगपच्चेकलेशा  
सत्कायदृष्टि विचिकिसिता च । शीलव्रतं दर्शनमार्यता च  
इदं प्रणीतं वरसंघरत्नम् । एतेन सत्येन इहास्तु स्वस्ति  
न जातु कुर्याद त्रिविधं हि पापकम् । कायेन वाचा मनसाथवापि  
प्रच्छादनीयं सहसा न कृत्वा, तथा न दृष्टि ग्रहणं न तेषाम्  
इदं प्रणीतं वरसंघरत्नम् । एतेन सत्येन इहास्तु स्वस्ति  
यथेन्द्रकीलः पृथिवीप्रतिष्ठिता, चतुर्दिशं वायुभिरप्रकम्प्यः  
तथोपमाः पुदगल सन्ति सङ्घे, ये आर्यमार्गस्य वरस्य दर्शिनः  
इदं प्रणीतं वरसङ्घरत्नम्, एतेन सत्येन इहास्तु स्वस्ति  
ये आर्यसत्यानि विभावयन्ति, गम्भीरप्रज्ञेन सुदर्शितानि  
काय प्रदानं मनसा च कृत्वा, नते भयं कष्ट समाप्नुवन्ति ।  
इदं प्रणीतं वरसङ्घरत्नम्, एतेन सत्येन इहास्तु स्वस्ति  
अर्चिर्यथा वायुवशाद्विनष्टा, अस्तंगता नैव मुपति संख्या  
तथैव संयोजनविप्रयुक्ता, अदर्शनं यान्ति हिं बुद्धपुत्राः  
इदं प्रणीतं वरसङ्घरत्नम्, एतेन सत्येन इहास्तु स्वस्ति  
ये जङ्गमाश्चात्र तथैव स्थावरास्ते सर्वसत्त्वाः सुखिनो भवन्तुः  
शास्तार मर्त्यं नरदेवपूज्यं बुद्धम् नमस्ये इहास्तु स्वस्ति ॥  
ये जङ्गमाश्चात्र तथैव स्थावरास्ते सर्वसत्त्वाः सुखिनो भवन्तु  
शान्तं विरागं नरदेवपूज्यं धर्मं नमस्ये इहास्तु स्वस्ति  
ये जङ्गमाश्चात्र तथैव स्थावरास्ते सर्व सत्त्वाः सुखिनो भवन्तुः  
गणानमर्त्यं नरदेवपूज्यं सङ्घं नमस्ये इहास्तु स्वस्ति ।



यानीह भूतानि समागतानि स्थितानि भूमावथवान्तरिक्षे  
कुर्वन्तु मंत्री सततं प्रजासु दिवाच रात्रौ च चरन्तु धर्मम्  
येनैव सत्येन जिनो जितारिः स सत्यवादी रिपु तस्य नास्ति  
तेनैव सत्येन इहास्तु स्वस्ति मुच्यन्तु सर्वेऽद्य महामयेभ्यः

मैत्री मे धृतराष्ट्रेषु मैत्री ऐरावणेषु च  
विरुपाक्षेषु मे मैत्री कृष्ण गौतम केषु च ।

... ..

अपादकेषु मे मैत्री मैत्री मे द्विपदेषु च  
चतुष्पादेषु मे मैत्री मैत्री बहुपदेषु च  
मामे अपादका हिंस्यु । मामे हिंस्यु द्विपादकाः  
मामे चतुष्पदो हिंस्यु । मामे हिंस्युः बहुपदा ।

... ..

सर्वे सत्त्वाः सर्वे प्राणाः सर्वे भूताश्चकेवलाः  
सर्वे वै सुखिनः सन्तु सर्वे सन्तु निरामयाः  
सर्वे भद्राणि पश्यन्तु माकश्चित्पापमागमत्  
मैत्री चित्तं समास्थाय करोमि विषदूषणम्  
रक्षापरिग्रहं चैव तथैव परिपालनम्  
नमोस्तु बुद्धाय नमोस्तु बोधये  
नमोस्तु मुक्ताय नमोस्तु मुक्तये  
नमोस्तु शान्ताय नमोस्तु शान्तये  
नमो विमुक्ताय नमो विमुक्तये ।



## श्री आर्य महाप्रतिसरा देवी



मन्त्रः

ॐ मणि धरी वज्रिणी महाप्रति सरे रक्ष रक्ष मां  
सर्वसत्वानाञ्च हूँ हूँ हूँ फट् फट् फट् स्वाहा ॥



## महाप्रतिसराया ध्यान :

वसपोल प्रं वीजाक्षरं उत्पतिजुया विज्याम्ह स्वः । वज्र पर्यङ्कासन याना  
विज्याम्ह प्यपा ख्वाः तुयु वर्ण जवे हाकु लिउने म्हामु देपाय वाउं दथ्वुई

तुयु च्याका ल्हा, जवल्हातये कथ्य नं

अष्टार चक्र वज्र, शर, खड्ग ज्वना विज्याम्ह, देपाल्हाते

क्रमशः तर्जनीपाश, त्रिशूल, धनु, पाः, ज्वना विज्याम्ह

प्यपा ख्वालेसं स्वंग मिखा शिले चैत्यधारण याना

विज्याम्ह जुल ।

## ॐ नमो भगवत्यै आर्यमहाप्रतिसरायै

### “महाप्रतिसरा महायान सूत्रया कथासार”

छन्हुया दिने भगवान सुमेरु पर्वतया चोकाये च्वंगु  
कुटागारे विज्याना च्वंगु जुल । अन फलफूलं परिपूर्णगु  
आपलं कल्पवृक्ष तथा यैपुसे च्वंक ह्वया च्वंगु पलेस्वाँ  
पुखुनं दुगु जुल । न्ह्यवनेसं लाक्क अति वाँलागु इन्द्रयागु  
भवन नं दुगु जुल । छचा खेरं नायुसे च्वंगु लुंचुं यागु  
फी लायातगु जुल । अले भगवान बुद्धया धर्मदेशना न्यने  
धका वज्रगर्भ आदि बोधि सत्त्वपिं, आस्रव क्षीण जुये  
धुंकपिं शारीपुत्र आदि अर्हतपिं, महेश्वर आदि असंख्य

देव पुत्रपिं, सहापति आदि ब्रम्हापिं इन्द्रादि देवतापिं,  
आपलं आपा असुर गणपिं, नागराजापिंनं शान्त चित्तं  
भगवानया ख्वा स्वया च्वना च्वंगु जुल । उगु बखते  
भूत भविष्य वर्तमान स्वंगु समययातनं लोगु अर्थनं थुयेके  
अपुगु आखनं स्पष्ट जुगु, निर्वाण वनेगु-ज्ञानं परिपूर्णगु  
शंख थे यच्चुसे तुयुगु ब्रम्ह चर्यया उपदेश विया विज्यात ।

अले भगवानया ऋद्धिया अनुभावं ह्नातिकां सर्व बुद्ध  
दर्शन नामगु रश्मि छ्धा पिहाँवगु जुल । वः रश्मि पिहाँ  
वये मात्रनं त्रिसाहस्र महा साहस्र सकल लोक धातु स्पष्ट  
खने दया वल । छगु लोक धातु पत्तिं अन विज्याना च्वंपिं  
बुद्ध पिसनं अनं च्वपिं श्रावक तयेत धर्म देशना याना  
विज्याना च्वंगु खनेदुगु जुल । ॐ नमः सर्वतथा-  
गतेभ्यो ऽ हृदभ्यः सम्यक संबुद्धेभ्यः धका अनन्त लोक  
धातुस विज्याना च्वंपि बुद्धपिन्त नमस्कार याना भगवान  
बुद्धं सकल धर्मोपदेश न्यना च्वंपिन्त सम्बोधन याना  
विज्यात । सकल लोकयात हित यायेत न्यनेमात्रं दुःख  
कष्ट तना वनीगु महाप्रतिसारा धारणी जिं कने एकचित  
याना न्यः । ध्वः महाप्रतिसारा धारणी पाठ याइम्ह व्यक्ति



यात यक्ष, राक्षस, भूत, प्रेत, पिशाच, गन्धर्व, नाना ग्रह, कुष्माण्ड, उन्माद, अपस्मार, आदि मनुष्य अमनुष्यया भयं मुक्त जुई । सकल दुष्ट चित्तपिं शत्रुतन मित्र जुया वई । विष अग्नि, शस्त्र लः फये आदि या भयनं तनावनी । सरुवा लोये यागु भयनं मदया वनी । ध्व महाप्रतिसरा धारणी यात जन्त्र दयेका लहाते चिना तल वा कोखाना तल धासा वया सकल कार्य सिद्धि, सकल भय मदया वनी । मामकी आदि देवी पिसं वयात रक्षा याना तई । कायमचा दयेमा धैगु ईच्छा दुम्ह मिसाँ ध्व जन्त्र धारण याना तसा वया कायमचा दई । सुख पूर्वकं गर्भ बृद्धि जुई । सुख पूर्वकं हे मचान बुई । पुरुषं जुइ ब्यू, महिलाँ जुइ ब्यू शुद्ध पवित्रगु शीला चार युक्त जुया प्रतिसरायागु भाव याइ म्ह व्यक्तियात धन धान्य परिपूर्ण जुया वई । संमान लाभ जुई । अशुभ शकुन, अशुभ स्वप्नया भयनं तनावनी । पुण्य बृद्धि जुई । सर्वत्र मंगलहे जुया वई । “तदानीं संप्रबक्षामि देव संघा शृणोतु मे” आ जिं ध्व प्रतिसरा धारणी कने न्यः धका आज्ञा जुया विज्यात । वहे प्रतिसरा धारणी लिपा प्रकाश यायेगु इच्छा दु ।

उगु धर्मदेशना याना विज्यागु बखते व धर्मसभास  
महा ब्रम्हानं न्यः वया च्वंगु जुल । व महाब्रम्हा यात  
संवोधन याना श्री भगवानं थथे आज्ञा जुया विज्यात ।  
थ्व महाप्रतिसरा धारणी न्यने मात्र नं सकल भय तरे जुया  
वनी । थ्व धारणी कण्ठ याना वयेका तम्हः व्यक्ति- यागु  
शरीरला वज्रकाय धाये वह जू ।

कपिल वस्तु नगरे गोपायात छोया ह्वाना ह्वाना  
च्याना च्वंगु मिगाले क्वफात । अवले गोपाया गर्भे च्वम्ह  
राहुल भद्र कुमारया मने “सिद्धार्थ कुमारं जिगु नाभि  
तुतिया म्हाला पचिन थिया पिहाँ विज्यात अवले निसे जिं  
महाप्रतिसराया धारणी लुमं धका वहे धारणी लुमंका  
च्वन । व लुमंकुगुया प्रभावं व मिगाले मि सिना वन ।  
गोपायात नं पलेस्वाँया दथुइ च्वना च्वंगु थे अनुभव  
जुल ।

उलि जक मखु हे महा ब्रम्हा ! सुर्पारक धैगु  
महानगरे कौशाम्बिक धैम्ह सेंठया काये सर्प लायेगु  
विद्या सम्ह जुल । व सेंठया काये नं विद्या यागु बलं  
तक्षक नाग यात आकर्षण याना साला हगु जुल । व

श्रेष्ठी कुमारया भूलं आकर्षण याना हया तक्षक नाग  
यात कुनाला तल, तर वयात दमन याना वशे नयें मला नि  
बले हे व श्रेष्ठी कुमार यात तक्षकं न्याना विल । वयात  
विष यागु तीव्र वेदना उत्पन्न जुल । वया होस मन्त अले  
आपलं वास याइपिं वया वास यात नं वयागु विष शान्त  
याये मफुत । अले व हे सुर्पारक नगरे विमल विशुद्धि नाम  
म्ह छम्ह उपासक दुगु जुल । वयात महाप्रतिसरा धारणी  
कण्ठ वगु जुल । व विमल विशुद्धि उपासक्या चित्ते महा  
करुणा वल । अले तक्षक नाग राजाँ न्याम्ह सेंठया कायया  
ठासे वना महाप्रतिसरा पाठ याना न्यंका बिल । उलि  
न्यंके मात्रं हे वया होस दया वल । अले वयात नं  
प्रतिसराधारणी ब्वंका कण्ठ याके विया उद्धार याना  
विल । उलि जक मखु हे महा ब्रम्हा ! परापूर्व काले  
वाराणसी नगरे ब्रम्हदत्त जुजुं राज्य याना च्वंगु जुल ।  
छनुया दिने वया छिमेकी जुजु पिसं चतुरङ्ग बलं छचा  
खेर वाराणसी सहरे घेरे याना हमला यागु जुल । अले  
ब्रम्हदत्त जुजुया अमात्य मन्त्री पिं वया महाराज ! भी

शत्रुपिसं भीगु देशे छचा खेरं घेरे यायाँ हल, आ भीसं नं  
मुकावला याये माली, गु गु कथं यासा भीगु राष्ट्र रक्षा  
जुई । आज्ञा जुया विज्याहुं धका विन्ति यात । जिमी यपिं  
प्रजागणपिन्त रक्षा यायेगु जिगु कर्तव्य खः छिमीसं धन्दा  
काये म्वाः । जिं मागु उपाय याये धका आज्ञा  
जुया ब्रम्हदत्त जुजुं नाना प्रकारया सुगन्ध जलं मोल्हुया  
काय, वाक चित्त शुद्धयाना मैत्री युक्त जुया महाप्रति  
सरा धारणीया जन्त्र छगू थगु राज मुकुटे स्वचाका छगु  
धारणी थगु कवचे तया शत्रुया फौज दु पाखे थ याकचा  
हे सरासर वन । उलि वने मात्रं हे सारा शत्रु या फौज  
लि लि चिला वन । थ्वः जुजुया ल्यू ल्यू आपलं फौज  
वया च्वगु दयेमा नत्रथथे याक चा वये फै मखु धका  
शत्रु त फुक्कं भागा भाग जुया वन । हे महा ब्रम्हा । थ्व  
प्रतिसरा थुगु कथं प्रत्यक्ष फल विःम्ह धका भापेमा ।  
सर्वतथागत पिनी हृदय मुद्रां अधिस्थान याना तगु धका  
सिकेमा । अल्पायु पिनी आयु बृद्धि याइगु । मन्द पुण्य,  
मन्द भाग्य पिन्त हित सुख जुइगु धका श्रद्धा यायेमा ।

उलि जक मखु हे महा ब्रम्हा ! छगु समये श्रद्धा  
मदुम्ह, तथागतं विया विज्यागु शिक्षापद यात शुद्धरूपं  
पालन मयाइम्ह अदत्तादान यायेत नं लि मचिलिम्ह म्हुतुं  
धया हे वं थ्वं फोना कायीम्ह सांधिक वस्तु नं चातुर्दिशिक  
भिक्षु तयेगु वस्तु नं स्तूपे छाना तगु वस्तु नं व्यक्तिगत याना  
उपभोग याइम्ह दुःशीलम्ह भिक्षु छम्ह दुगु जुल । छुं  
समय लिपा व भिक्षु यात अति भयं-करगु रोगं कया चाँ  
नं न्हि नं हाला ख्वया च्वने माल । यायागु उपायं मजिया  
दुःख सिया च्वन । अले वहे देशे छम्ह उपासक ब्राम्हण  
दुगु जुल । भिक्षु यागु दुःख खना करुणा तया व ब्राम्हणं  
महाप्रतिसरा धारणी छ धा च्वया भिक्षु यात क्वखायेका  
व्यूगुजुल । क्वखायेके मात्र नं वया सारा दुःख कष्ट लना  
वन । होस दया वल । अले न्हापायाना तयागु आपालं  
दुःशील भाव लुंमका बीधिचित्त बल्लाका वहे चाने व  
भिक्षु मरण जुया अविचि नरके ला वन । अले वया मृत  
शरीरे महाप्रतिसरा क्वखायेका तगु प्रभावं अवीचि नरके  
च्वपिं सकसियां सम्पूर्ण वेदना तना वन । आपलं योजन

तक्क व्हाना व्हाना च्याना च्वंगु मिनं सिना वन । थः  
थगु कर्म भोगे याना च्वंगु फुक्क कष्ट नं लना वन । थ्व  
घटना खना यमराजया दूतपिसं यमराज यात थुगु कथँ  
विन्ति यात । हे यमराज ! जिमिसं कःटीं फाःसां  
व पापी तयेगु म्हये थ्युगु हे मखुत । चुपि धाले न्यासि-  
कुसा मूलु पँये न्यासिकुसां यिमित मख मले न्यासि कागु थे  
जुल । सिमल या कँ थे दुगु मिथे पुगु नयागु गदा नँ  
तोधुला ख्वाउँ से च्वना वन । सलं सः मुरी लः न्ह्यँगु  
लौह कुम्भ नँया खासी नँ ख्वाउँया वन । असि पत्र वने  
तरवार या हलँ नँ सुँछम्ह पापी यात घाःपा जुगु मखुत  
थ्व गथे जुगु जुइ धका विन्ति यागु खँ न्यना धर्मराज  
यमराजं थुगु कथँ आज्ञा जुल । हे यम दूत थःगु पापया  
कारणं नरके उत्पन्न जुसाँ बोधिसत्त्वपिं नरके वइ बले  
थथे हे जुइगु खः । छिपिं पत्या मजुसा पुष्करावती धैगु  
नगरे वना थ्व बोधिसत्त्वया मृत शरीर स्व हूँ । वयागु  
म्हये प्रतिसराया जन्त्र क्वखायका तगु दई वयागु शरीर  
रक्षा यायेत आपलं देव गणपिं विज्याना च्वंगु दइ धका  
आज्ञा जुल । थ्व खँ न्यना व नरक पालत वना स्व वँगु



समये धाथे देव गन्धर्व पिं छचा खेरं विज्याना  
प्रतिसरा कूट धका धैगु कूटागार दयेका सुगन्धगु स्वां  
धूप कपूर आदि च्याका सत्कार याना तगु खन । अले  
नरक पालत वना वहे खं यमराजयात निवेदन याना  
च्वंगु समये व नरके च्वम्ह भिक्षु नरक यागु शरीर  
तोता त्रायत्रिंशदेव भुवने प्रतिसरा देवपुत्र धका नामं  
प्रसिद्ध जुल ।

उकीं हे 'महा ब्रम्हा ! ध्व धारणी यात आदर तया  
पाठ यायेगु कण्ठ वयेक्येगु, जन्त्र दयेका धारण यायेगु  
उत्तम खः धका सिकी । उलिजक मखु हे महा ब्रम्हा !  
हिङ्ग मर्दन धैगु महानगरे विमल शंख धैगु नामं  
प्रसिद्धम्ह धन, धान्य, लुं, वह नं संपन्नम्ह महाधनी म्ह  
सेठ छम्ह दुगु जुल । वया सलं सः बंजात दुगु जुल । छन्हु  
रत्नद्वीपे वना व्यापार या वने धका जहाजे  
आपालं व्यापार यायेगु माल सामान तया थःनं बंजात नं  
जहाजे च्वना समुद्र छीना वना च्वंगु जुल । समुद्र या  
लखे विचे सलं सः कु तःहाकम्ह तिमिङ्गल धैम्ह  
न्यां जहाज यात पनातगु लिं जहाज इकि धिकी हे संके

मफया न्ह्याके मफुगु जुल । उगु हे बखते नागराजा पिं नं  
कोप जुया तसकं मेघ गर्जे जुया नः न्याना वा फये नं वगु  
जुल । जहाज दुवे जुइ थे च्वंगु भयं सकल बंजा तये  
हाहाकार जुल । थन्यागु अवस्थाये व विमल शंख महाजनं  
ग्याये मते जिं छिमित रक्षा याये धका धया कापते  
महाप्रतिसराया धारणी च्वया ध्वाँये बोयेकालि, पाठनं  
याना विल । उलि याये मात्रनं नागराजा  
पिं नं शान्त चित्त मैत्री चित्त उत्पन्न याना प्रतिसरायात  
वन्दना याना वन । तिमिङ्गल न्यानं जहाज छगलं मियागु  
ज्वाला भापा ग्याना विसि वन । अले सुख पूर्वक हे रत्न  
द्वीपे थ्यंक वन । हे महा ब्रम्हा ! थ्व महा प्रतिसराया  
धारणी च्वया ध्वाँये जक बोयेका व्युसां देश यागु रक्षा  
जुई धका धारणा या ।

हानं हे महा ब्रम्हा ! मगध देशय् प्रसारित पाणि  
धैगु नामं प्रसिद्धम्ह जुजु छम्ह दुगु जुल । व बूःबले लहा  
चक्कंका बूगुलिं वयागु ना प्रसारित पाणि धका प्रसिद्ध  
जुगु जुल । उलि जक मखु वया थाये वया सुनानं छुँ फों  
वल कि आकाशे लहा चक्कंका थत छोया थ्व माल धाये

मात्रं वयागु लहाते देवता पिसं लुं, वह, रत्न आदि धा  
धागु वस्तु तवइगु जुल । वहे वस्तु फों वई पित्त इच्छा  
पूर्ण जुइक दान याना छूवइगु जुल । उकीं नं वयागु नां  
प्रसारित पाणि धैगु नामं प्रसिद्ध जुगु खः । व जुजु न्हापा  
यागु जन्मे कुशिनगरे जन्म जुगु जुल । उगु बखते  
प्रभूतरत्न धैम्ह तथागत उत्पन्न जुया विज्यागु जुल ।  
वसपोल प्रभूतरत्न तथागतं थ्व हे महाप्रतिसरा यागु धर्म  
देशना सकल प्राणीपित्त करुणातया याना विज्यागु जुल ।  
थ्व धर्म देशना न्यने तः धर्ममति धैगु नामम्ह सेंठ नं  
बुद्ध प्रमुख भिक्षु संघ यात थगु छें विज्याका न्यनिगु  
जुल । थ्व खं छम्ह दरिद्रम्ह मनुनं सिया धर्ममति सेंठ या  
समीपे वना धर्म देशना नं न्यने साहु यागु ज्यानं याना  
जीविका यायेगु विचार याना न्हिं न्हिं धर्म नं न्यनिगु  
साहु यागु ज्यान यायां छन्हु साहु खुसि जुया वयात  
असर्फी छगु व्युगु जुल । व असर्फी छगु खर्च याना व  
दरिद्रम्ह मनुनं महाप्रतिसरा यागु धर्म देशना याकुगु जुल ।  
व देशनायाकुगु बखते जिं थ्व याना गुया पुण्यं सकल

प्राणी पिनिगु दारिद्र्य दुःख तंके फयेमा धैगु प्रणि धान  
यागु जुल । थ्व हे न्हापा यानातगु पुण्यं व प्रसा-  
रतिपाणि जुजुं ल्हा च्वये छ्वया चक्कंक्ये मात्रं रत्न  
आदि धाधा गु वस्तु देवता पिस वयात बी हैगु खः । वहे  
प्रणिधानया पुण्यं सकल यागु इच्छा पूर्ण जुइक दान याये  
फुगु खः । तर प्रसारितपाणि जुजुया सन्तान मदु ।  
आपालं धर्म कर्म यानानं काय मचा मदुगुलीं जुजुया मने  
शान्ति मदु । छन्हु शुद्धावास कायिक देवता पिस स्वप्नाये  
दर्शन विया हे प्रसारित-पाणि महाराज छं न्हापायागु  
जन्मे प्रतिसरायागु भाव यागु पुण्यं सकल प्राणी यात  
दान याये फत अथे हे आनं प्रतिसरा यागु भाव या  
प्रतिसरा या जन्त्र महारानी यात क्वखायेकी छं काये  
मचा दइ धका उपदेश विल । जुजुं नं स्वप्नाये व्युगु  
उपदेश कथं प्रतिसराया मण्डल दयेका जन्त्र नं दयेका  
पूजा याना महारानी यात क्वखायेका बिल । अले  
लक्षणं परिपूर्ण म्ह काये मचा दत । थुगु कथं थ्व  
महाप्रतिसरा यागु गुण प्रशंसा याना विज्यात ।

थ्व महाप्रतिसरा महाविद्या जिं जक व्याख्यान याना  
वयागु मखु आपालं कल्प न्हापा भगवान् विपु-  
लप्रसितवदनमणिकनकरत्नोज्वलरश्मिप्रभाप्रत्युदगतराज  
धैम्ह तथागत उत्पन्न जुगु जुल । वसपोलं बोधिमण्डपे  
विज्याना धर्म चक्र प्रवर्तन याना विज्यायेगु इच्छा याना  
विज्यात । उगु बखते आपालं मार त वया ग्याना पुगु  
रुप कया शस्त्रास्त्र ज्वना भयंकर शब्द पिकया बाफये  
वयेका मि वर्षायाना छ्वा खेरं भगवान यात घेरे याना  
च्वना च्वन । अले भगवान विपुल प्रहसित वदन मणि  
कनकोज्वलरश्मिप्रभाप्रत्युदगतराज तथागतं क्षण भर  
सुमुक च्वना थ्वहे महाप्रतिसरा महा विद्या मनं मनं  
न्हयेको बोना विज्यात । उली बोना विज्याये मात्रं  
भगवानया छ्पु छ्पु चिमिसं प्वालं आपालं आपा शस्त्रास्त्र  
ज्वना च्वंपि मनुत पिहां वया का ज्वं, का च्वा, थ्व दुष्ट  
मार पित्त धया पिहाँ वया च्वंगु मार  
तसे खन । अले ऋद्धि हीन जुया मार त नं ग्याना गुम्हं  
विस्यु वन गुम्हं बुद्ध धर्म न्यना शान्त दान्त जुया वन ।

हे महा ब्रम्हा । प्रतिसरा यागु भाव याई पित्त अकाल  
मृत्यु नं तरे जुया वं । न्हापा न्हापा उज्जयनी धैगु नगर

ब्रम्हदत्त धैम्ह जुजु दुगु जुल । वहे नगरे छम्ह मनु नं तः  
धंगु अपराध यागु जुल । अले जुजुं वयात प्राण दण्ड  
यायेगु आज्ञा विल । जुजुया मनु तसें व अपराधी मनु  
यात छगु पहाडया गुफाये यंका दापं तलवार पिकया  
स्यायेत तयार जुल व अपराधी मनु नं थगु जब लहाते  
चिना तगु प्रतिसराया जन्त्र स्वया प्रतिसरा महाविद्या  
मनं मनं ब्वना च्वंगु जुल । थ्व यागु हे प्रभावं जुजुया  
मनु नं वयातं तलवारं पालं व तलवार चूं चूं दना वन  
तर वयागु शरीरे कचिघाः तक नं मजु । थ्व खं जुजुया  
थासे खवर ध्यन । जुजु तं चाया अथे जुसा वयात यक्ष  
तयेत नकि धका आज्ञाजुल जुजुया मनु तसें व अपराधी  
यात यक्षत च्वनिगु गुफाये यंका तोता बिल यक्षत नं  
मनुयागु ला नये धका हर्ष जुया व्वां व्वां वल । तर  
महाप्रतिसरायागु प्रभावं वयात थिहे मफत । वयागु म्ह  
छम्ह च्याना च्वंगु मिथे खन । ग्याना यक्ष त लिहाँ  
वन । थ्व खन जुजुया थासे ध्यन । जुजु भन तं चाया  
अथे खसा वयागु लहा तुती चिना नदी कुतुके छ्व धका  
जुजुं आज्ञा जुल । जुजुया मनुतसें जुजुयागु आज्ञा अनुसार

ल्हा तुती चिना नदी क्वफात । तर क्वफाये मात्रं नदी लः  
सुनावन । चिना तगु खिप नं चःबुना चुं चुं दना वन ।  
व अपराधी यात चुयेका मयं । थ्व खंनं जुजुया थासे थेसें  
लि जुजु आश्चर्य चाया व अपराधी यात थःयाथासे  
सतके छुवल । छं छुं विद्या सःला ? छन्त स्वक तक  
स्यायेगु आज्ञा वियानं छन्त स्याये मफत धका  
कुतुःकुला न्यसेंली वं सगु महाप्रतिसरा महा विद्या यागु  
खं जुजु यात विन्ति यात थम्हं जव ल्हाते न्ह्याना तयागु  
जन्त्रनं क्यन । अले जुजु साप खुशी जुया वयात नगर श्रेष्ठ  
(सहरे उत्तम म्ह) धैगु पदवी विया दोसल्लां न्ययेका  
सिरपा विल ।

हे महा ब्रम्हा ! थुगु कथं महाप्रतिसराया प्रभावं अकाल  
मृत्यु नं तरे जुया वंगु दु धका आज्ञा जुया विधिवत  
मण्डल दयेकेगु विधि पूजा यायेगु विधिनं भगवानं आज्ञा  
देयेका विज्यागु खं पञ्चरक्षाया महाप्रतिसरा प्रथम कल्पे  
वर्णन याना तगु दु ।

# श्री आर्य महा साहस्रप्रमर्दनी देवी



मन्त्रः

ॐ अमृतवरे वर वर प्रवरविशुद्धे  
हैं हैं हैं फट् फट् फट् स्वाहा ।



## साहस्रप्रमर्दनीदेवीया ध्यान :-

वसपोल हूँ बीजाक्षरं उत्पत्ति जुया विज्याम्ह हाकुगु वर्ण जुयाविज्याम्ह  
सियुगु छें छें च्वगु सं नरकपाल तिया विज्याम्ह मिखा फुसी  
कये कुंका धं वा पिकया विज्याम्ह, च्याका ल्हा ज्वल्हाप्यपाये  
कथनं वरदमुद्रा, अडकुश, शर, खड्ग, देपायंकथन, तर्जनी  
पाश, पाः धनु, पले स्वांया घने रत्न सहितगु खड्ग ज्वना  
विज्याम्ह दथुया खा हाकु जवे तुयु ल्युने म्हासु,  
देपाये वाउं, खापा पत्तिं स्वंग मिखा दुम्ह जुल ।  
ललितासनयाना विज्याम्ह खः ।

ॐ नमो भगवत्यै आर्यमहासाहस्र प्रमर्दिन्यै

साहस्र प्रमर्दिनीसूत्रया सारांश

छगु समये भगवान शास्ता राजगृहया गृद्धकूट पर्वते  
विज्याना च्वगु जुल । अन शारिपुत्र, मौद्गल्यायन आदि  
भ्रिंस्वसत्या भिक्षुपिं नं दुगु जुल । मगध राष्ट्रया जुजु  
अजातशत्रुं बुद्ध प्रभृति भिक्षु संघपिन्त चीवर पिण्ड  
पात्र, भिक्षा, वास आदि मा मागु वस्तु पुरेयाना  
उपस्थान सेवा याना तगु जुल । उगु समये वैशाली  
महानगरे त च्वतं भूकम्प जुगु जुल अले नःन्याना वाफ-

येनं वगु जुल । अन वने थन वने मदया मनु तये  
हा हा कार जुया फुक्क ग्याना च्वंगु जुल । अन च्वपिं  
भिक्षु भिक्षुणी उपासक उपासिकापिसं ग्याना बुद्ध  
धर्म संघ लुमंका च्वन । बुद्ध शासने श्रद्धामदुपिं आपलं  
प्रजापिं मध्ये गुम्हसिनं ब्रम्हाजी यात लुमंका च्वन । गुम्ह  
सिनं इन्द्रादि लोकपालपिन्त लुमका च्वन । अले मे मे  
पिसं थ थ इष्ट देवता महाद्यः, माणिभद्र, हारती, चन्द्र,  
सूर्य, ग्रह, नक्षत्र, पर्वत, सिमा, नदी आदि पूजा याना  
च्वन । थुगु कथं ग्याना सकल प्रजां दुःख सिया च्वंगु खं  
श्री बुद्ध भगवानं दिव्य ज्ञानं खंका ऋद्धिया प्रभावं त्रिसाहस्र  
लोक धातुई च्वना च्वपिं सकल देवता पिन्त छगु हे स्वर  
आमन्त्रण याना सता विज्यात । अले सहापति ब्रम्हा  
प्रभृति सकल देवतापिं बाचा इले गृद्ध कुट पर्वत छगुलिं  
थःगु शरीरया तेज प्रकाशमान याना भगवानया चरण  
कमले वन्दना याना सकल देवतापिसं छगुहे स्वरं थथे  
स्तुति याना विज्यात ।

नमस्ते पुरुषवीर ! नमस्ते पुरुषोत्तमः  
साञ्जलिस्त्वां नमस्यामि धर्मराजं महामुनिम् ।

स्तुतिया नापं देशोपद्रव शान्त यायेत साहस्र प्रमर्दनी  
महायान सूत्र उपदेश याना विज्या हँ धका श्री बुद्ध  
भगवान यात प्राथना याना विज्यात ।

अले भगवान नं भतिचा सुमुक च्वना विज्याना लि  
चतुर्महाराजपिन्त सम्बोध याना विज्याना थथे आज्ञा  
जुया विज्यात । भो चतुर्महाराजपिं ! छिमि परिवार  
पिसं जिमि भिक्षु भिक्षुणी, श्रामणेर श्रामणेरिका,  
उपासक उपासिका परिवार तयेत थुगु समये दुःख  
विया ला मच्चनाला ? छाये धासा “थुगु समये थ्व मनुष्य  
लोके बुद्ध उत्पन्न जुया च्वंगु नं दु । बुद्धं उत्तमगु धर्म  
नं बांलाक व्याख्यान याना विज्यागु नं दु । बुद्धया  
श्रावक संघ नं शील सुसम्पन्न जुया च्वंगु दु ।” धका  
छिमिसं सिहे स्यू जुई अले हानं आपलं पुण्य वीजं  
बुद्ध भगवानपिं थुगु लोके उत्पन्न जुई प्रत्येक बुद्ध  
अर्हत तथा स्वीनिगु देव निकाय मध्ये छगु देवनिकाये  
देवतापिं उत्पन्न जुई । अथे हे तःधंगु पुण्यं सप्त रत्नं  
सपन्नपिं चक्रवर्ती जुजुपिं उत्पन्न जुई । धका नं छिमिसं  
स्यू हे जुई । तर हे चतुर्महाराजपिं मनुष्यतसे आपालं  
दुःख सिया च्वंसा छिमिसं उपेक्षा याना वास्ता मयासे

चवने बहमजु छिमिसं थथे अवहेलना यात धासा धर्म  
गनं स्थिर जुइ ? धका बुद्धं आज्ञा दयेका विज्यासेलि  
चतुर्महाराजपिनिं थः थः परिवार पिसं मनुष्य तयेत  
दुःख विई वले (पुना हइवले) थन्या थन्यागु रोग जुइ  
फू । व, व, रोग जुई वले थ्व, थ्व मन्त्र ब्वना थुगु थुगु  
कथं शान्ति स्वस्ति यात धासा व, व रोग लना वनि  
धका चतुर्महाराजपिसं भगवान या अग्रे चवना विन्ति  
याना विज्यात । थुगु कथं गन्धर्व, यक्ष, कुष्माण्ड, नाग,  
ग्रह तसे पुना हइ बले जुईगु अमानुसिक रोग  
(मानसिक रोग) या लक्षण तथा उपचार चतुर्महारा-  
जपिसं विन्ति यागु न्यना भगवान् बुद्धं चतुर्महाराज  
आदि सकल परिषदया न्हावने थुगु कथं सिंहनाद याना  
विज्यात । “जि दशबल पूण म्ह खः । प्यंगु वैशारद्यं युक्त  
म्ह खः । जगत सत्वया हित सुखया निमित्ते ब्रम्ह चक्र  
प्रवर्तन याना चवना म्ह खः । चतुर्मार यात याक चां हे  
त्याका सकल प्राणी यात रक्षा याना चवना म्ह खः ।  
आजिं सकल प्राणीया रक्षा यायेया निमित्ते साहस्र प्रमर्दनी  
धारणी मन्त्र कने धका आज्ञा जुया मंत्र ब्वना विज्यात  
थ्वः धारणी आज्ञा जुये मात्रं सकल दुष्ट चित्त पिं यक्ष,

गन्धर्व, कुष्माण्ड, नाग आदि फुकं ग्याना उखे थुखे विस्यु  
वन । उगु समये पूर्वपत्ति धृतराष्ट्र, दक्षिणे विरुढक,  
पश्चिमे विरुपाक्ष उत्तरे कुवेर च्वना च्वगु जुल । भगवान्  
बुद्धं ऋद्धि यागु बलं आकाशे च्वये थाहां विज्याना वज्रासने  
च्वना विज्यात । अले भगवान् यात स्तुति प्रशंसा याना  
सहापति ब्रम्हां चतुर्महा राजपिन्ति थथे आज्ञा जुल - हे  
चतुर्महाराज ! भगवान् बुद्धं आज्ञा जुया विज्या थें प्रत्येक  
बुद्ध, अर्हत तथा ततःधंपि देवतापिनं षडङ्ग वेद  
पारङ्गतपिं ऋषि मुनिपिनं साधारण पुण्यया प्रभावं थुगु  
लोके उत्पन्न जुगु मखु । छिमिसं ब्यवास्ता याना मनुष्य  
तयेत दुःख विये मत्यः धका धागु वचन न्यना  
चतुर्महाराजपिसं ब्रम्हाजी यागु वचन न्यना पूर्व, पश्चिम,  
दक्षिण, उत्तर दिशाये च्वपि दुष्ट चित्तपिं सकल गन्धर्व  
यक्ष आदि पिन्त बन्धने तया बुद्धया अग्रे तये हल । अले  
सहापति ब्रम्हां नं थःगु मन्त्रपद ब्वनाः थ्वः मन्त्रपदया  
प्रभावं सकल सत्त्व प्राणी पिनी सकल भय उपद्रव रोग  
तना वने मा शान्त जुयेमा धका विन्ति यात ।

अले भगवान बुद्धं आज्ञा जुया विज्यात छम्हेसिया  
जक हितसुखया लागि ध्व लोके बुद्ध उत्पन्न जुईगु  
मखु । सकल सत्त्व यात सुख शान्तिया कारणं बुद्ध  
उत्पन्न जुईगु खः । उकिं थौं बैशाली च्वंपि जन  
समूहयात हित सुख या कारणे जिं वैशाली नगरे वने  
त्यना धका आज्ञा जुया चीवरं पुना पात्र ज्वना भिंस्वस  
भिक्षुपिं नापं गृद्धकूट पर्वतं क्वाहाँ विज्यात । उगु समये  
जवपत्ति सहापति ब्रम्हां देपापत्ति देवराज इन्द्र लिउने  
लोकपालपिसंछत्रं कुएका च्वामोलं गायेका वया च्वंगु  
जुल । वया नाप आपालं देवतापिन दुगु जुल । थुगु कथं  
विज्याना च्वंगु लिच्छवी तसें यानं निसें खना सडक,  
गल्ली सफा जुइक बंपुया, जवं खवं ध्वजा पताका बोयेका  
लंये स्वां ताये होला, थाये थासे धूप च्याका मधुर स्वरं गं  
थाना तःधंगु सत्कार याना प्रसन्न चित्तं स्वागत याना  
श्री भगवान बुद्ध याता लसकुस याना बैशाली नगरे दुत  
विज्याकल । अले भगवान बुद्धं सकल देश वासिपिन्त  
सम्बोधन याना गयाये म्वा छिमित हित सुख यायेगु  
लागि हे जि थन वयागु खः धका आश्वासन ब्यु ब्यु

सहरे दुहा विज्यात न्हापा न्हापा सहरया प्यंगु दिशा  
पत्तिं सहरयागु सिमाना सीदयेकेत इन्द्रकील (यसी) स्वाना  
तइगु जुल । वहे यसी (इन्द्रकीले) लिधना प्यख्यरं स्वया  
ल्हा ल्होना सकल देशवासी पिन्त सम्बोधन याना थथे  
आज्ञा जुया विज्यात ।

जिं आजक मखु जि निर्वाण जुइ धुंकानं जिगु अस्थि  
धातु ईका पायेकु छकु जक दतलेनं व शरीर धातुयात  
आदर याना थ्व साहस्त्र प्रमर्दनि विद्यायात भिक्षु  
भिक्षुणी उपासक उपासिका पिसं वयेकी बोनी वा  
बोंकेबिई वा थ्वयागु भाव उपदेश याइ उम्ह भिक्षु  
उपासकपिनी सकल भय तनावनी रोग शान्त जुया  
कलि कलह लना वनी धका भगवानं आज्ञा जुया विज्यागु  
सहापति ब्रम्हां न्यना व विद्या आज्ञा जुया विज्याहूँ धका  
विन्ति यासेंली अनहे च्वना भगवानं साहस्र प्रमर्दनी विद्या  
बोना विज्यात । अले हानं धया विज्यात थ्व मन्त्र  
धारणीया आधार कायगतानुस्मृति शमथ विपश्यना, ३  
स्वगु समाधि, ४ प्यंगु ऋद्धिपाद, ४ प्यंगु प्रधान, ४ प्यंगु  
स्मृत्युपस्थान ४ प्यंगु ध्यान, ४ प्यंगु आर्यसत्य, ५ न्यागु

इन्द्रिय, ५ न्यागु बल, ६ खुगु अनुस्मृति, ७ न्हयेगु  
बोध्यङ्ग, ८ च्यागु आर्य अष्टाङ्गिक मार्ग, ९ गुंगु आनुपूर्विक  
विहार समापत्ति, १० भिगु तथागतबल, ११ भिंछगु  
विमुक्तयायतन, १२ द्वादशाङ्गप्रतीत्यसमुत्पाद,  
१२ द्वादशाकार धर्म चक्र, १६ षोडशाकार  
आनापानानुस्मृति, १८ अष्टादश आवेणिक बुद्ध धर्म,  
४२ पिनिग आख खः । थ्वहे च्वये कना वयागु  
साहस्रप्रमदनी विद्या खः बुद्धमुद्रा खः । बुद्ध यागु धन  
सम्पत्ति खः । धका आज्ञा जुया थथे गाथा बोना  
विज्यात ।

इमस्मि लोके पुरिमस्मि वा पुनः । स्वर्गेषु यद् रत्न  
वराणि सन्ति

समोस्ति नैवेह तथागतेन देवातिदेवेन नरोत्तमेन ।

तस्मादिदं रत्नवरं प्रणीत मेतेन सत्येन इहास्तु स्वस्ति ॥

क्षयं विरागं ह्यमृतं त्वसंस्कृतमाज्ञाय यच् शाक्यमुनि  
प्रभावितम् न तेन धर्मेण समोस्ति कश्चिद अमृतेन शान्तेन  
ह्यसंस्कृतेन तस्मादिदं रत्नवरं प्रणीतमेतेन सत्येन इहास्तु  
स्वस्ति ॥



इत्यादि बोना भगवानं आज्ञा दयेका विज्यागु न्यना सहापति  
ब्रम्हा इन्द्र चतुर्महाराजापिसं आपलं प्रशंसा याना  
विज्यात । अले सकल दुष्ट चिंतपिं राक्षस भूत प्रेतपिन्त  
नं मैत्री यागु प्रभावं शान्त चित्त याना बुद्धयागु शिक्षा  
ग्रहण याके विज्यात । उलि याये मात्रनं वैशालि नगरे  
संपूर्ण रोग व्याधि शान्त जुया वन । नगर वासीपिसं नं  
बुद्ध धर्म संघ यागु गुण म्हसिका श्रद्धा याना च्वन । अले  
चतुर्महाराजपिसं बुद्ध यात विन्ति याना भो शास्ता छल  
पोलं आज्ञा जुया विज्यागु थुगु साहस्र प्रमदनी विद्या बुद्ध  
यागु शिक्षा पद ग्रहण याना सुं प्राणिं बोन वा च्वया  
धारणायात धासा सकल रोग भय, ग्रह भय कलिकलह  
हरण जुया जक वनिगु मखु राष्ट्रयात रक्षा यायेतनं  
उपयोगि हे जु धका राष्ट्रयागु रक्षा यायेगु विधि नं विन्ति  
यात । अथे हे गोठ रक्षा यायेगु, पशु रक्षा यायेगु आदि  
नं विन्ति यात । रोगी यात वास नये बले बोनेगु परित्राण नं  
कना विज्यात । थुगु हे प्रसङ्गे मञ्जुक मृगराज आदि  
बालग्रह यागु लक्षण व शान्तिया खनं ब्रम्हां बुद्ध  
भगवान यात विन्ति यात । थुगु कथं आपलं प्रशंसा

याना च्चंबले इन्द्रं शिरीष, आपामार्ग आदि जडी बुटी  
यागु लेप अञ्जन धूपं नं आपालं रोग यात निगु हितगु  
खँ विन्तियाना देवतापिं सकले अनहे अन्तर्ध्यान जुया  
विज्यात ।

अले भगवान संध्याया समये ध्यानागारं पिहाँ  
विज्याना सकल भिक्षुपिन्त मुंका संबोधन याना  
छिमिसं नं थ्व सहास्र प्रमदनी महा विद्या कण्ठया, लुमंका  
ति, बोनेगुया, थ्व विद्यां प्राणी पिनीगु जक  
परित्राण याइगु मखु गना सित्यंगु सीमाय् जक  
परित्राण सूत्र च्वया चिना बिल धासां व सीमा गना वनि  
मखु च्वः जाया वर्ड धका आज्ञा जुया विज्यात ।

उगु समये बुद्धयात भिक्षुपिसं विन्ति याना भदन्त  
छलपोलं साहस्र प्रमदनी सूत्र महामायूरी सूत्र, महाशी-  
तवती सूत्र, महाप्रतिसरा सूत्र तथा महामन्त्रानुसारणी  
सूत्र, थुलि न्यागु सूत्र आज्ञाजुया विज्यात थ्व पाठ यायेत  
पञ्चामिष (न्यागु अविहित भोजन) त्वतेमा  
धकान आज्ञाजुया विज्यात । भिक्षा याना नये बले भिक्षा  
पात्रे तया बिगु वस्तु पञ्चामिष सहितगु भोजन जुल  
धासा जिमिसं गथे यायेमालि धका विन्तियात ।

अले भगवानं अथे पञ्चामिष सहितगु भोजन याये  
मालि बले, आहरे प्रतिकूल संज्ञा यात भावनाया,  
पञ्चामिष मदुगु धका भावना या, हेतु प्रत्ययं दया वगु  
संस्कृत वस्तु फुकं अनित्य धंका भावनाया, अनित्य  
वस्तु फुकं दुःख खः धका भावना या, दुःख जुगुलिं  
आत्मा (जि) धैगु मदु धका भावनाया, अले अशुभ भावना  
या । अथे भावना यार्इम्हसित थ्व पञ्चामिष जिं नयेमाल  
धैगु संज्ञानं तनावनी । जी धैगु मदयेक्येगु स्व धक्क आज्ञा जुया  
विज्यात ।

## श्री आर्य महामायुरी देवी



- मन्त्रः

ॐ अमृतविलोकिनी गर्भसरक्षणी आकर्षणी  
हूं हूं हूं फट् फट् फट् स्वाहा।

## महामायूरीया ध्यान :-

वसपोल मं वीजाक्षरं उत्पत्ति जुया विज्याम्ह, म्हासुगु वर्णम्ह सत्त्व  
पर्यङ्कासने च्वना विज्याम्ह, स्वपा ख्वा स्वंग मिखा च्याका ल्हा  
रत्नया तिसां तिया विज्याम्ह जब प्यपा ल्हाते कथनं बरद  
मुद्रा रत्न घः वज्र, खंग, देपाल्हाते कथन पिण्ड पात्रे  
भिक्षा, म्हयेखापा, विश्ववज्रदुगु गं, रत्न ध्वज, ज्वना  
विज्याम्ह दथुक्खा म्हासु, जब हाकु देपाये ह्यांगु वर्ण  
जुया विज्याम्ह जुलः

ॐ नमो भगवत्यै आर्यमहामायूर्यै  
महामायूरी महायान सूत्र कथासार

छगु समये भगवान आपलं भिक्षु संघ सहित  
श्रावस्ती अनाथ पिण्डयागु जेतवन महाविहारे विज्याना  
च्वंगु जुल । उगु समये वहे विहारे स्वाति धैम्ह हाल  
साले जक भिक्षु जुम्ह विनय नं बांलाक मसनिम्ह दुगु  
जुल । अले छन्हुया दिने म्हस्यापिं, वातजुपिं भन्ते  
पिन्त क्वा तयेगु शरीरं चःति पिकायेगु जेन्ताक गृहे  
स्वाति भिक्षुं सिं पंचिना च्वंगु जुल । अले वहे सिंग्वं मध्ये  
छगु सिंग्वलं तःधिम्ह हाकुसे चोम्ह गौमन सर्प छम्ह

पिंहा वया स्वाति भिक्षु या जब तुतीया म्हाला पचिले  
न्याना बिल । न्याये मात्रं बेहोस जुया अनहे गोतुला म्हुतुं  
फिज पिंकाया मिखा भोयेकना च्वन । अथे जुया च्वंगु  
आनन्द स्थविरं खना व खँ भगवानया अग्रे विन्ति यात ।

अले आनन्दं विन्ति यागु न्यना सकल नाग राज  
पिं नापनं, सकल प्राणीपिं नापनं जिगु मैत्री दु थ्व मैत्रीया  
प्रभाव हे थ्व महामायूरी विद्या खः धका आज्ञा जुया  
विज्यात ।

अले हानं भगवानं आनन्द यात थथे आज्ञा जुया विज्यात-  
हे आनन्द ! परापूर्व काले हिमालय पर्वतया दक्षिणपत्ति  
सुवर्ण विभास धैगु नामं प्रसिद्ध म्ह मयूर (म्हयेखाः) छम्ह  
दुगु जुल । व मयूरराजां सुथेनं न्हिनेनं संध्यानं थ्वये मन्त्र  
धारणी पाठ याना शान्ति स्वस्ति याना सुखं जीवन हना  
च्वंगु जुल । अले छन्हुया दिने मयूर राजा आपालं मयूर  
कन्यापिं नाप उखे थुखे रसरंग यायां कामासक्त जुया  
छगु पर्वतया गुफाये दुहाँ वंगु जुल । वहे गुफाये व्याधातसें  
जाल पाये प्यना तगु जुल । अन वहे जाले व मयूर राजा

पाशे लातः । अबले नं व मयूर राजा अप्रमादि जुया थ्वहे  
मन्त्र धारणी विद्या बोना जालं मुक्त जुया थगु थासे  
आनन्दं च्वना च्वन । हे आनन्द ! उगु समये मयूर  
राजा जुया जन्म कया म्ह जिहे खः धका सिकी ।  
धका आज्ञा जुया विज्यात ।

थ्व पृथ्वी मण्डले ऋद्धिवानपिं आपलं यक्षपिं दु अन पिसं  
न थ्व स्वाति भिक्षुयात परित्राण याइ शान्ति स्वस्ति याई,  
थुगु कथं दिग विदिगे च्वंपिं यक्ष सेना पिसं न रक्षा  
याई । लम्बा, विलम्बा आदि पिशाचनीपिसं नं स्वाति  
भिक्षु यात रक्षा याई । कूणाक्षी आदि राक्षसनीपिसं  
रक्षायार्इ । नागराजापिसंन रक्षा याई । विपश्ची आदि  
तथागतपिसंन रक्षायाना विज्यार्इ । अले मैत्रय आदि  
बोधिसत्त्वपिसं न रक्षा हे याई । थ्व पृथ्वीले न्ह्याना  
च्वंगु गङ्गा आदि नदी तयेगु प्रभावं व अन च्वंपि आपलं  
ऋद्धिवानपिसं रक्षा याई तथा आपलं पर्वत राजा पिसं व  
अन च्वना विज्यापिं अपालं ऋद्धिवानपिसं नं रक्षा याई ।  
आकाशे आपालं ग्रह नक्षत्रत दु अनपिनिगु अनुभावं रक्षा  
याई । थ्व संसारे आपलं जडीबुडी त दु व जडीबुडीया

प्रभाव नं रक्षाहे याई । सर्वतथागत पिनिगु प्रभावं छ वना  
स्वाति भिक्षुयात रक्षा याहुं धैगु बुद्ध भगवान यागु आज्ञा  
न्यना आनन्दं बुद्ध यात वन्दना याना स्वाति भिक्षु या थासे  
वना महामायूरी विद्या बोना विज्यात । व विद्याया प्रभावं  
स्वाति भिक्षु यात विषयागु प्रभाव मदया याउँसे च्वन ।  
अले बुद्धया अग्रे च्वना अन जुगु फुक्क खं निवेदन  
यासेंली भगवानं भिक्षु भिक्षुणी, उपासक उपासिका थ्व  
प्यंगु परिषद यातनं सम्बोधन याना विज्यात- भो भिक्षुपिं  
छिपिं सकलसिनं थ्व महामायूरी विद्या धारणयाना वयेका  
ती धका आज्ञा जुया विज्यात । अवले निसें थ्व धारणी  
सकल लोकं पाठ यायेगु यानावल ।



## श्री आर्य महा शीतवती देवी



मन्त्रः

ॐ भर भर संभर संभर इन्द्रियवरविशोधनी  
रुरु चरे हूँ हूँ हूँ फट् फट् फट् स्वाहा ।

## महाशीतवतीया ध्यान :-

वसपोल शं बीजाक्षरं उत्पत्ति जुया विज्याम्ह वांगु वर्णम्ह स्वपा ख्वा  
स्वंग मिखा खुपाल्हा तथातगतमुकुटं पुया विज्याम्ह, दथुया  
ख्वा वाउं, जवे तुयु, देपाये ह्याउं वर्णम्ह, जव स्वपाल्हातं  
कथनं अभयमुद्रा, वज्र, शर, देपा स्वपा ल्हातं तर्जनीपाश,  
वज्र रत्न, धनु ज्वना विज्याम्ह जुल,

ॐ नमो भगवत्यै आर्य महाशीतवत्यै  
महाशीतवति महायान सूत्रया सारांश

छगू समये भगवान राजगृहे विज्याना च्वंगु जुल ।  
अन शीतवन नामगु जङ्गले इधिंकायतन धैगु महाश्म-  
शान दुगु जुल । अनहे विज्याना वसपोलं भिक्षुगण  
पिन्त ध्यान भावनाया उपदेश विया विज्याना च्वन ।  
उगु समये भिक्षु राहुलनं अन विज्याना च्वंगु जुल ।  
अनया वातावरणया प्रभावं राहुलया शरीरे नाना रोग  
भय त्रास उत्पन्न नं जुगु जुल । अले भगवानया समीपे  
वना वन्दना याना, भगवानया न्हिवने च्वना मिखाये  
ख्ववितया च्वना च्वन । अथे मिखाये ख्वबीतया च्वंगु  
खना भगवानं राहुलयात सम्बोधन याना छाये ख्वया

राहुल धका न्यना विज्यासेली हे भन्ते ! छलपोल थन  
शीतवने इधीकायतने विज्यासें निसें जित थन भूतप्रेत,  
धुं, भालु, सर्प आदि यागु भय वया च्वन धका विन्ति  
यात । थथे विन्तियागु न्यना विज्याना भगवानं राहुल  
थ्व शीतवती महा विद्या छं वयेकी बों च्वया क्वखा  
छन्त भूत प्रेत, धुं, भालु, आदिया भय तना वनी छंगु  
ल्वये लना वनी धका महाशीतवती विद्या मन्त्र धारणी  
कना विज्यात । अवलें निसे नानाग्रह पीडा शान्ति  
यायेत थ्व धारणी ब्वनेगु चलन जुया वल ।

# श्री आर्य महा मन्त्रानुसारिणी देवी



मन्त्रः

ॐ विमले विपुले जयवरे जयवाहिनि अमृत  
विरजे हूँ हूँ हूँ फट् फट् फट् स्वाहा ।

## महा मन्त्रानुसारिणीया ध्यान :-

वसपोल त्रां बीजाक्षरं उत्पत्ति जुया विज्याम्ह ह्य्याउगु वर्णम्ह फ़िनिकाल्हा  
स्वपाख्या स्वंग मिखा, दथुया ख्वा ह्य्याउं, जव हाकु, देपाख्या वाउं, जव  
व देपागु निपा ल्हातं धर्म चक्र मुद्रा हान जव व देपागु निपाल्हातं  
समाधिमुद्रा, जवगु स्वपा ल्हातं कथनं वरदमुद्रा, अभयमुद्रा वज्र,  
शर देपागु ल्हातं कथन तर्जनीपाश, पलेस्वा दुगु कलस, रत्न  
पलेस्वां दुगु छत्र, धनु ज्वना विज्याम्ह, अर्ध पर्यङ्कासन याना  
च्वना विज्याम्ह जुल ।

## ॐ नमो भगवत्यै आर्यमहामन्त्रानुसारिण्यै महामन्त्रानुसारिणी महायान सूत्र सारांश

छन्हु या दिने भगवान बुद्धं आनन्दयात आनन्द वैशाली  
वने नू धका आज्ञा जुया वृजि जनपदे जुका अनं वैशाली  
थ्यंक विज्यात । अन आम्रपाली गणिका यागु आम्रपाली  
वने विहार याना विज्यागु जुल । उगु बखते वैशाली  
नगरे ईति (देशोपद्रव) जुया च्वंगु जुल । व ईति देश  
उपद्रव शान्त यायेत भगवानं आनन्द यात सःता थथे  
आज्ञा जुल हे आनन्द ! वैशाली नगरे ईति (देशोपद्रव)  
शान्तयायेत छ वना इन्द्रकीलया क्वये च्वना थ्व  
महामन्त्रानुसारणी महा विद्या बोना ब्यु । थ्व विद्याया

प्रभावं सकल प्राणी पित्त हित सुख जुई, नाना प्रकार  
यागु उपद्रव शान्त जुई धका महामन्त्रानुसारणी विद्या  
आज्ञा जुया विज्यात थुलि बुद्ध आज्ञा जुया विज्यागु विद्या  
ग्रहण याना इन्द्रकीलया क्वसं च्वना महामन्त्रानुसारणी  
बोना विज्यात । व बोना विज्यागुया प्रभावं अन देशे  
जुया च्वंगु फुक्क उपद्रव शान्त जुया वन । अवले निसे  
महा मन्त्रानुसारणी बोनेगु चलन जुया वल ।



## सफू प्राप्त जुईगु थायः

१. अखिल नेपाल महायान बौद्धसमाज  
ज्याठा छुस्याबहाल, फोन ४-२४७२८१

सूचं: पं. स्व. दिव्यबज्र बज्राचार्यजू. चवया तया विज्यागु  
मेमेगु लोकोपकारी ग्रन्थत नं दुर्लभ जुजुं वगुलिं द्वितीय  
संस्करण पिथनेत सुश्री अमृतशोभा साहुनी नं थें धर्मदान  
याना बिज्यायते/दिइत न दुनुगलं निसे इनाप याना चवना ।

द्वितीय संस्करण पिथने हथाय जुगु सफुतः

१. अद्वय परामार्थ नामसंगीति
२. सुखावती व्यूह
३. निर्वेध भागीय

अध्यक्ष

अ.ने.म. बौद्ध समाज

३० बडा